

Bosna i Hercegovina
Federacija Bosne i Hercegovine
Kanton Sarajevo
Kantonalna javna ustanova
„Porodično savjetovalište“



Bosnia and Herzegovina
Federation of Bosnia and Herzegovina
CANTON SARAJEVO
Cantonal Public Institution
“Family counseling”

1894
Босна и Херцеговина
Федерација Босне и Херцеговине
КАНТОН САРАЈЕВО
Кантонална јавна установа
“Породично савјетовалиште”

Broj: 01- 49-448.1/20
Datum: 27.05.2020.godine

01

27-05-2020		Broj prijave
04	12553-48-81	

20

KANTON SARAJEVO
n/r Predsjedavajući Skupštine Kantona Sarajevo
Mirza Čelik

Predmet: Odgovor na zastupničko pitanje Biščević Tokić , dostavlja se,-
Veza Vaš akt broj:01-04-12553-48/20 od 20.05.2020.

Poštovani,

Zastupnica Biščević Tokić je na 25. Radnoj sjednici Skupštine Kantona Sarajevo, u okviru tačke Dnevnog reda Poslanička/zastupnička pitanja, inicijative i odgovori zatražila informaciju o pokretanju disciplinskih postupaka protiv uposlenika KJU “Porodično savjetovalište”, pozivajući se pri tom na Odluku Vlade Federacije BiH broj:408/20 od 16.03.2020. godine te Odluku kojom se obustavlja vođenje disciplinskih postupaka dok traje stanje nesreće.

Odluka Vlade Federacije BiH broj:408/20 od 16.03.2020. godine ne tretira disciplinske postupke u institucijama, Vlada FBiH je na sjednici od 16.03.2020. godine izdala Preporuke za poslodavce i radnike koje su se primjenjivale u Ustanovi i o čemu je uredno izvještavano resorno Ministarstvo.

Nakon detaljne provjere, nismo pronašli Odluku kojom se obustavlja vođenje disciplinskih postupaka dok traje stanje nesreće, na koju se poziva zastupnica Biščević Tokić ... ista ne postoji.

U KJU “Porodično savjetovalište” trenutno nije pokrenut niti jedan disciplinski postupak što ne znači da neće biti pokrenuti u narednom periodu, ukoliko dođe do težih prijestupa i težih povreda radnih obaveza predviđenih Pravilnikom o radu Ustanove.

Rješenje o pokretanju disciplinskog postupka, po prijavi radnog kolege a protiv radnice Poljak, je stavljeno van snage zbog saznanja da radnica ne ispunjava posebne uslove za radno mjesto Stručni saradnik za savjetodani rad, definisane Pravilnikom o radu Ustanove. Od imenovane je zatraženo očitovanje i ona do danas nije dostavila adekvatnu dokumentaciju, nakon što je iskoristila godišnji odmor, otvorila je bolovanje. Ozbiljnost i kompleksnost slučaja je zahtjevala da zatražim smjernice resornog Ministarstva, te podnesem prijave Inspektoratu rada i Uredu za borbu protiv korupcije i upravljanje kvalitetom, zbog zaštite naših korisnika te digniteta i ugleda Ustanove jer postoje indicije o obmani i prevari.

Stanje prirodne nesreće ne amnestira od odgovornosti radnike u procesu rada, ne daje mogućnost za zloupotrebe, posebno ako se radi o psihoterapeutima koji trebaju biti na dispoziciji građanima Kantona Sarajevo i svojim primjerom pokazati kako procesuiraju vanredne okolnosti, kako se nose sa stresom, depresijom, ponašajnim problemima.... Pozivanje na bilo koji vid učešća u ratnom periodu, nije ekskluzivitet jedne političke partije, krajnje je neukusno i neprimjereno i jasno govori i upućuje na činjenicu da radnica nije procesuirala lične doživljaje iz tog perioda ili ih zloupotrebljava što njenu kompetentnost stavlja pod znak pitanja jer se defokusiranjem pokušava osloboditi odgovornosti za ozbiljne prekršaje, pretvarajući se u žrtvu.

Radnice koje su zatražile zaštitu zastupnice Bišćević Tokić već mjesecima , kontinuirano, politički motivirano opstruišu rad Ustanove, iznošenjem neistina narušavaju i ugrožavaju kredibilitet Ustanove, podnose lažne prijave o čemu svjedoče zapisnici Inspektorata rada. Obzirom da se radi o terapeutkinjama koje obavezuju Etički kodeksi Ustanove te struke i Asocijacije koja ih je certificirala iz porodične sistemske terapije i transakcione analize, u svrhu zaštite mog ugleda te ugleda Ustanove, interesa i potreba korisnika usluga, prijavljene su relevantnim institucijama.

Političko polariziranje i direktno uplitanje zastupnika u rad Ustanove je apsolutno neprihvatljivo i nezakonito, posebno ako je isto utemeljeno na krivim navodima i neistinama radnika, čije postupanje povlači disciplinsku odgovornost koju tretiraju interni akti Ustanove i Zakon o radu, sa ciljem da isceniraju i pokušaju montirati protivzakonito djelovanje mene kao direktorice jer me, evidentno, izvještaj o poslovanju Ustanove za 2019. godinu ne obavezuje, u mandatu sam bila samo četiri mjeseca i dva dana, što očito predstavlja problem.

O lažnim prijavama, opstrukcijama u radu privilegovanih "psihoterapeutkinja" bivšeg menadžmenta Ustanove, upitnih kompetencija i vještina, posjedujem materijalne dokaze kao i dokaze koji ukazuju o kakvom profilu radnica se radi (prijave radnih kolega, prepiske i optužbe, mišljenje supervizorice, evaluacije), uvid u iste mogu omogućiti .

Prvi javni poziv za prijem radnika/ce na određeno vrijeme, dok je radnica na porodijskom odsustvu , realiziran je mojim dolaskom u Ustanovu, svi trenutno zaposleni su "došli" ili dovedeni bez javnog poziva.... 19 godina su se vršila zapošljavanja bez oglašavanja. U ovoj činjenici se krije odgovor zastupnici na njenu optužbu o mom nepotizmu.


U dokumentaciju o prijemu u radni odnos na određeno vrijeme, sa javnim pozivom, mogu omogućiti uvid.

Ustanova se mojim dolaskom na poziciju direktorice vraća u zakonske okvire djelovanja.

S poštovanjem,

Dostaviti:

- Naslovu
- a/a



Bosna i Hercegovina
Federacija Bosne i Hercegovine
Kanton Sarajevo
Kantonalna javna ustanova
„Porodično savjetovalište“



Bosnia and Herzegovina
Federation of Bosnia and Herzegovina
CANTON SARAJEVO
Cantonal Public Institution
"Family counseling"

Босна и Херцеговина
Федерација Босне и Херцеговине
КАНТОН САРАЈЕВО
Кантонална јавна установа
"Породично савјетовалиште"


**-OVDJE-
n/r direktorice Senade Bosno**

Predmet: Informacija - dostavlja se

Poštovana,

shodno vašem nalogu da se izvrši provjera da li je određenim propisom obustavljena mogućnost pokretanja i vođenja disciplinskih postupaka, ovim putem Vas informišem da sam nakon izvršene provjere zakonskih i podzakonskih akata uključujući između ostalog i : Odluku o proglašenju stanja nesreće uzrokovano pojavom koronavirusa (COVID-19) na području Federacije Bosne i Hercegovine ("Službene novine Federacije BiH", broj 21/20), Zakon o ublažavanju negativnih ekonomskih posljedica ("Službene novine Federacije BiH", broj 28/20), i Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo" broj 18/20), uvidom u službene novine, te uvidom u dostupne akte na službenim web stranicama nadležnih organa i institucija, kao i zaprimljenih akata od strane nadležnih organa i institucija, nije pronađen akt kojim se obustavlja pokretanje i vođenje disciplinskih postupaka u javnim ustanovama.

S poštovanjem,


Jasmin Herenda
Stručni saradnik za pravne, opće i kadrovske poslove

Dostaviti:
- Direktorici
- a/a